

Adamo & Eva:
le origini
di
Santo Capizzi

Questa storia è semplicemente frutto della fantasia, pertanto ogni riferimento a persone, fatti e luoghi è del tutto casuale.

Santo Capizzi
347 80 60 577
santocapizzi1@alice.it

Fumo in scena, Adamo ed Eva in posizione fetale spalla contro spalla. Voce fuori campo.

ADAMO: *(russa in maniera molto rumorosa)* Eva paparella del mio cuore, chi hai ca ti stai arriminannu tutta para? Mi stai scombussolando il sonno. U vidi mi facisti arrusbighiari.

EVA: e si vidi tuttu scumbussulatu si. A quali arrusbighiari, finisti di sirrari pirchè potti finiri a binzina nda motosega ca c'hai pi pulmini. E appoi chi voi, ju sentu sempri dda vuci ca mi chiama.

ADAMO: ancora? E videmu chi ti dissi sta vota?

EVA: mi corteggiava, mi diceva: Eva, tu sei la fimmina chiù bedda e intelligenti nella faccia della terra.

ADAMO: a certu ca sta vuci havi 'na fantasia e uno spirito di ossevvazioni?

EVA: ma pirchè chi vulissi diri ca non sugnu affascinati?

ADAMO: si a fasciu di cacocciuli...

EVA: non sugnu intelligenti.

ADAMO: chiossai di un orangutango.

EVA: ca certu sfuttimi. Chistu è u culu chinu ca ti fa parrari. N'assivva a deci comu a mia...

ADAMO: m'antappassi a testa 12000 mila voti nda na pala di ficodindia. Avaia e non t'affenniri, no vidi ca ti staiu sghizzannu? (*Al pubblico*) insomma, ca staiu sghizzannu finu a un certu puntu.

EVA: tu non mi capisci.

ADAMO: auh a certu ca quannu fai d'accussì si appiddaveru 'na mala soggira.

EVA: ma chi dici scemunitu? Ancora i soggiri non l'hannu invintati.

ADAMO: e voli diri ca quannu si svinturirannu a 'nvintalli sarannu pricisi sputati, spicccati a tia.

EVA: e inutili, si insensibili. Ma non capisci ca sta vuci ca sentu è il mio subconscio.

ADAMO: a 'inginaghia va!

EVA: chi?

ADAMO: a 'nginaghia, u sutta coscia!

EVA: u subconsciu, u me io.

ADAMO: ca certu ca u to io pi forza u to a essiri, u me non po essiri, a st'ura era u me io, ovvero u to mio...(*pensandoci*) o u me tuo? Insomma zoccu è, è; mi facisti cassariari! Chi voleva stu io sutta a coscia?

EVA: mi dici sempri: (*con voce echeggiante*) Eva io haiu bisogno di tia..ia...ia che sei a prima donna della storia di tutti tempi...

ADAMO: (*al pubblico*) e su l'auttri hannu a veniri d'accussì speriamu ca è macari l'ultima.

EVA: Eva mi devi fare una cortesia...ia...ia, a assaggiari sti meli...eli...eli e m'ha diri comu ti parunu...erunu...arunu, pirchè a mia mi parunu tannicchedda attrunzati...ati...ati, non vulissi ca mi furtenu i soddi...oddi...oddi. E faccila assaggiari macari a Adamo ca di trunza si ni intendi...

ADAMO: intendi...endi. Veru?

EVA: no, veramenti dopu ca ti numinavu, finivu a frasi cu: Adamo ca di trunza si ni intendi...trunzu...strunzu!

ADAMO: auh, varda che liscia sta vuci do to io!

EVA: chi fa u assaggi stu pumu?

ADAMO: avai a sai ca sugnu intolleranti a frutta. Chiuttostu ora comu ora m'abbiassi na bedda fedda di canni di cavaddu.

EVA: scunchiudutu, oggi e mercoledì, i cavaddi i 'nventunu venedì.

ADAMO: u sacciu, u sacciu, u liggi u programma da simana. Ma iu intantu mi purtai avanti e ho fatto una invenzione ca secunnu mia rivoluzionerà u munnu equestre.

EVA: nenti di menu. E chi anvintasti?

ADAMO: u fucularu!

EVA: e a chi servi?

ADAMO: e a chi servi? Aspetta finu a sabatu a sia, appoi fatti na passata a via plebiscitu, e ti n'accoggi a chi servi. Chista è una invenzioni di premiu nobbile.

EVA: è inutile cu tia non si po parrari. Almenu ci fussu quache auttra fimmina cu cui parrari...

ADAMO: parrari...e non sulu.

EVA: e chi voi diri ca non t'abbastu?

ADAMO: Evuccia do me cori, p'abbastari qualsiasi cosa s'a cunsumari. Comu tu spiegu? Per esempiu chisacciu, portu a casa un bellu caprettu, ni facemu na bella mangiata ca n'alliccamu macari i baffi. Alla fine, belli ca semu chini anfinu all'ugnu do pedi, n'arresta un quartu di caprettu. Allora possu diri ca m'abbastanu di tri quarti che ne ho usufruitato, mu manciai ca mi sono arricriato tutto paro e ho spaddato chiddu ca c'era di spardari. Ma su invece c'haiu un caprettu sanu e mi ni fannu magiari sulu una coscia...arrestu in pizzu!

EVA: e chi vulissi diri ca iu sugnu na coscia di caprettu?

ADAMO: mancu, mancu chistu! Tu si un dito do pedi e iu mi sentu in pizzu, non so se mi ho avuto spiegato.

EVA: ma pirchè non si soddisfatto delle mie performance.

ADAMO: non sugnu suddisfattu ne pi formans ne mancu pi sostanzas! Ogni vota ca m'ancugnu l'hai tuttu tu, 'n coppu a testa, 'n coppu i pedi. No voi capiri, ca su non ni damu versu e proliferamui n'abbianu fora, ni lincenzianu. E non è piccatu a perdiri un bellu postu di travagli comu a chistu, 2 stipendi sicuri, specialmeti cu sti tempi ca currunu.

EVA: (*arrabbiata*) a bonu accuminciamu; ancora a nasciri e già si chiama Cola? Ancora stu minnu sta accumneciannu ora e già tu, masculu, decidisti ca u me distinu di fimmina è suli chiddu si fighiari e pinsari a casa?

ADAMO: ma allura u cuntrattu no liggisti pi nenti! Ni veniva offerto stipendio, vitto, alloggio, tredicesima, quattordicesima, trasferta e ferie pavati. In cambio sulu du cosi avuma a fari, fighiari ausi cunighi e non mangiari puma, e tu chi fai tuttu u cuntrariu. Di mia stai a lagga ausi ca haiu mangiatu cipudda e tuttu u jornu stai cu ddu punu in manu ca pari da dici: ora mu mmuccu, ora mu mmuccu.

EVA: mattri ma u stati sintennu a chistu quantu è riccabbuluni e ancora non c'hanno vinutu mancu l'alteri. Chistu na mala vicchiania mi duna. Ma iu u sai chi di dicu?

ADAMO: chi mi dici?

EVA: 'nde cianchi caru mio, nelle cianchi! Iu ti lassu sbattiri e fazzu zoccu voghiu. Arrivederci. (*uscendo di scena*) videmu su stu pumu è attrunzatu appiddaveru.

Finale 1:

ADAMO: chista a mia mi fa fari u sangu acqua, è ma mangia ossa! Di unni ci chiovi ci sciddica. (*Vibra il cellulare e lui vibra tutto*) ogni vota ca stu telefonu sona vibranti, mi sguazzaria tuttu paru. Matre e' un simmissi do principali, videmu chi voli (*lo legge*): Adamo sei il primo uomo della storia ca ci perdi tempu appressu e fimmini circannu di falli arragunari. Un consiglio, levici manu! Tempu persu è! Per quanto arriguarda il tuo lavoro primario invece, mi pari ca m'arrisuttasti faglio. Inoltre dda scimmia di Eva bestia pi comu è ci desi un muzzucuni o pumu perciò caro mio, accuminciannu di dumani non calati chiù. Siti all'licenziati. Comu licenziati? E ora chi facemu? Tutta curpa di dda cosa fitusa di Eva. Eva, cosa laria, Eva, u vidisti chi cumminasti disgraziata? Pi curpa to ni hanno licenziati. (*Pausa. Poi con enfasi in crescendo*) semu i primi disoccupati da storia.

EVA: (*da fuori scena*) paparello talia u latu positivu...siamo entrati nello ghignos dei primati!

Finale 2:

ADAMO: chista a mia mi fa fari u sangu acqua, è ma mangia ossa! Di unni ci chiovi ci sciddica. (*Vibra il cellulare e lui vibra tutto*) ogni vota ca stu telefonu sona vibranti, mi sguazzaria tuttu paru. Matre e' un simmissi do principali, videmu chi voli (*lo legge*): Adamo sei il primo uomo della storia ca ci perdi tempu appressu e fimmini circannu di falli arragunari. Un consiglio, levici manu! Tempu persu è! Per quanto arriguarda il tuo lavoro primario invece, mi pari ca m'arrisuttasti faglio. Inoltre dda scimmia di Eva bestia pi comu è ci desi un muzzucuni o pumu perciò caro mio, accuminciannu di dumani non calati chiù. Siti all'licenziati. Comu licenziati? E ora chi facemu? Tutta curpa di dda cosa fitusa di Eva. Eva, cosa laria, Eva, u vidisti chi cumminasti disgraziata? Pi curpa to ni hanno licenziati. Semu i primi disoccupati da storia.

EVA: *(da fuori scena)* non ti preoccupari beddu, amuninni di cca'. Ora emigramu in una terra ca e' chiu' bella di stu postu paradisiacu. Una terra unnu c'e' u sulu tuttu l'annu e un mari splendidu, e soprattutto c'e' travaghiu a tinchite', travaghiu pi tutti.

ADAMO: pi tutti?

EVA: precisamente.

ADAMO: e comu si chiama stu postu da sogno.

EVA: p'accomora a sannu sentiri Trinacria ma iu ci voghiu canciari u nomu a voghiu chiamari Sicilia.

FINE